

Gih Raeuz Doiq 3000 Aen Mbanj Gungzhoj Hengzguh Daengx Mbanj Doicaenh Fuzbinz Haifat

我区对 3000 个贫困村实施整村推进扶贫开发

Ciuq gih fuzbinzban lingjdauj gaisau naeuz, “12·5” seizgeiz, gih raeuz yaek doiq 3000 aen mbanj gungzhoj hengzguh daengx mbanj doicaenh fuzbinz haifat, coicaenh ginghei、sevei、swnghdai mbanj gungzhoj cienzmienh bae fazcanj, saedyienh nungzminz bingzyaenz

moix vunz cinghsouhaeuj demhwnj fukdoh sang gvaq daengx gih bingzyaenz suijbingz.

Ciuq gaisau, 3000 aen mbanj gungzhoj faenbous youq gih raeuz 105 aen yienh(si、gih), 1003 aen yangh(cin), ciemq gih raeuz daengx gih hingzcwngcunh cungj-

soq 21.1%.

“12·5” geizgan, gih raeuz giva fazcanj dajciengx aeu mou、cwz、yiengz、douq、suijcanj guhcawj gak loih daeuzseng 314 fanh moux, fazcanj aeu daegsaek nungzcanjbinj gyagoeng guhcawj veizhingz siujiyez 1 fanh aen. Linghvaih, lij gaengawq

mbanj gungzhoj ginghei sevi fazcanj cingzgvang, saedhengz giek-daej sezsih gensez、vunz youq vanzging caeuq swnghdai gensez、gunghgung fuzvu caeuq sevi saehnieb gensez daengj haehlied hanghmoeg dem.

(Yangz Ciyungz Vangz Yenmeiz)

Lungzlinz: Ganbu Ginzung Byonghhwnz Bae Ganj “Haw”

隆林: 干群半夜三更赶“天街”

Daj 5 nyied ndawco hwnj, moix daengz ngoenzhaw, Lungzlinz Gak Cuz Swciyen Cejbauj Yangh gyoengq dangicwng ganbu cizgungh doengjit youq byonghhwnz hwnqdaej bae ganj “haw”, neix dauqdaej dwg maz saeh ne?

Laxlawz, aen yangh neix youq mwh gaihcanj “Gyaeuget Cejbauj·Seuqcingh Lajmbanj” hozdung ndawde, vih gajbienq diuzgai Cejbauj gaxgonq uq、

luenh、yaez caeuq vunz ci doxcaenx doxsak yienhsiengq, aen yangh neix daezgonq guh senhconz le, moix ngoenzhaw haemh gaxgonq comz daengx-gyoengq ganbu cizgungh haihoih anbaiz guhhong, daengz haet daihngaih 4 diemj cung, daengx-gyoengq ganbu cizgungh doengjit hwnqmbonq, youq yangh lingjdauj daiqlingx lajde faen baenz 4 aen gunghcozcuj, ganj youq canghhek

caeuq vunzlai haeuj haw gaxgonq, faen duenh bae youq gwnzhaw giz “haj luenh” guh cienzmienh ceihleix cwngidun, caemhcaiq veizhu hawciengz cizsi, cigdaengz ngoenz daihngaih sanq haw. Baenzneix laebdaeb genhciz sam aen singhgiz le, diuzgai Cejbauj seuqsak bienq yiengh moq lo, gyoengq canghhek caeuq vunzlai hix daihdaih fuengbienh lo.

(Vangz Dingcan)



Bahmaj: “Swzcangz” Yinx Vunzgoeng “Dauqranz”

巴马: “磁场” 引农民工 “回流”

Bahmaj Yauzcuz Swciyen gauhshw diswz miz coicaenh lwed lae baedauq caeuq gajnde sai sim lwed aen saenzgeiz cozyung neix, moix bi yinx gyawj 200 fanh hekyouz daej neix ciengx ndang.

Diswz yinx gyoengq hekyouz baihrog haeujdaej, aen lijyouzyez swzcangz cix yinx 2 fanh lai vunzgoeng bonj yienh okrog bae dajgoeng haenx dauqranz cauxnieb. Bahmaj Cin Lenyangh Cunh Vangz Cwngfangh couh dwg gyoengqvunz okrog dajgoeng haenx boux ndeu, de youq baihrog dajgoeng 17 bi lo, bi-gvaq, de swzhong dauqma bakdou mbanjranz hwnjban lo.

2011 nienz 7 nyied, aen yienzcungj mouseiq bi canj 20 fanh duz mouseiq gihdi、gyonj roengzngaenz 1.8 ik maenz ngaenz haenx youq Myauz Dunz guhbaenz, Vangz Cwngfangh youq ndaw gihdi dang baujanh duicangj.

Geij bi daej, riengzdwk guekgya cwngcwz daej fuzrex, Cungh Sihbu vaiqriengj hwng hwnj, aeu yungh daihliengh vunzgoeng. Geij bi neix, Bahmaj souhgyaeu ciengx ndang canjyez ngoenz beij ngoenz hung, yinx haujlai vunzgoeng bae rog dajgoeng haenx dauqma mbanjranz cauxnieb. 2009 nienz gvaqdaej daengz seizneix, gungh miz 2 fanh lai boux vunzgoeng dauqranz cauxnieb.

2009 nienz gvaqdaej, Bahmaj Yauzcuz Swciyen gungh gaihcanj vunzhong lajmbanj senj ra guhhong beizyin 70 geiz, mauhgvaq 1 fanh vunzbaez camgya beizyin. Gyoengq vunzgoeng dauqranz haenx daih'iek miz 2 fanh vunz ra ndaej hong guh, ciemq gyoengq vunzgoeng dauqranz 92%.

Ndaw doz dwg ciengz ciengx mouseiq gak ndeu.

(Veiz Gaijvwnz)



Liujcouh: “Sam Hangh Veican” Hawj Sam Bak Aen Mbanj Souh'ik

柳州: “三项会战” 让三百村屯受益

Vih gajnde vanzging caeuq swnghcanj swnghhoz diuzgen lajmbanj, daj 2010 nienz hwnj, Liujcouh Si moix bi senj aeu 100 aen mbanj daej guh sawqdiemj hengzguh “bu roen coih roen、baiz uq baiz raemx、cawqleix nyapnyaj” sam hangh gunghcwngz gensez. Ginggvaq sam bi roengzrengz, daengx si gungh guhbaenz 300 aen mbanj “Sam Hangh Veican” gunghcwngz, gyonj roengzngaenz 1.5 ik maenz. Mizyauq dwk gajgez le sawqdiemj cunhdunz “roenloh gumzgamx mboepdoed、raemxuq dauqcawq luenh lae、nyungznengz gizgiz luenh mbin luenh douh” daengj vwndiz, gajnde le aen yiengh mbanjranz, coicaenh le vwnzmingz gensez lajmbanj, sifan cozyung gig mingzyienj.

Ndaw doz dwg aen gingjsieng moq Liujgyangh Yen Bwzbugz Cin Vaizhungz Cunh Yalunz Dunz.

(Dangz Funghlinz)

Lozcwngz: 54 Boux Cwnggohgiz Ganbu Bae Cinghvaz Dayoz “Cungdienh”

罗城: 54 名正科级干部赴清华大学“充电”

5 nyied 26 hauh, Lozcwngz Mulaujcuz Swciyen geiz daih'it lingjdauj ganbu naengzlig daezswng gauhgiz yenzsiuhbanh youq Cinghvaz Dayoz haiban, aen yienh neix gak yanghcin dangjiveij suhgi caeuq yenciz mbanj danhvei cujyau lingjdauj gungh 54 vunz camgya hagsib.

Gij yozyenz geiz beizyinbanh neix yaek ciepsouh dangjsing siuhyangj caeuq ganbu suciz daezswng、gyagiengz caeuq cauxmoq gihcwngz sevi guenjieix vwndiz、singzsiva caeuq daegsaek nungzyez、dangqnaj gozci hingzsi caeuq Cungguek vaigyauh……daengj fuengmienh bae beizyin.

(Veiz Yuzdai)

Denzlinz: Nungzminz Daihdamj Sifan Ndaem Lingzcih

田林: 村民大胆进行灵芝种植示范

Denzlinz Yen Bingzdanz Yangh Lungzgojvaiz Cunh Yaba Dunz nungzminz Biz Cibingz, bineix leihyungh moux naz ndeu daej dap bungz sifan ndaem lingzcih, dangqnaj, lingzcih maj ndaej haemq ndei, yawhsuenq canjiez ndaej 30 lai fanh maenz. Ndaw doz dwg yienh nungzyezgiz gisuzyenz cingq sonyinx Biz Cibingz ganqleix lingzcih.

(Yenj Cinbyauh)